

B  
621



20 h



4.

Eyn Heftlich Breue  
dem radt zu Ham-  
berg gesand widder  
den Lucher.

Die thorbeyt wyrt yberman offinbar  
werden. z. Timoth. 3.

**Den Erbarren vnnnd berump-  
ren Burgermeystern vnnnd**

**der Stadt Bamberg vnßern lieben  
freunden.**

**Christus ist** Erbarren vnnnd berumpten herren.  
**schlecht heylig/** als liebenn brüder / vnßer herr der aller heyligste hat  
**der bapst der als** vns befoln/eyns seyner heyligeyt Breue / zu ewer ges  
**der heyligst.** meyne gesand/vñ hatt vns durch seyne bueffe gepot  
ten/das selbige ewer **E.** vber zu senden / vnnnd mit der  
selben verschaffen/ das sie auff dasselb auffß fordder  
lichst antwortetenn. Weyl wyr denn hiemit solch  
Breue zu schicken / vermanenn wyr die selben vlessig  
vnnnd bitten. sie wollten yhm auffß eylendist antwores  
zen nach dem sie gegen dem selben allerheyligsten hern  
vnnnd dem heyligen Apostolischen stuel vleys vnnnd  
dienst haben/ vnnnd vns die bueffe zu schicken/das wir  
sie durch vnßere voraan verschaffen/ dem selben aller  
heyligsten hern on betrug/ Damit gehalten sich wol  
**E. E.** wilchen wyr vns on vnterlaßerbieten vnnnd bes  
selben. zu Nurnberg. 12. Januarij. 1523.

**E. E.**

Als cyn binder Franz  
Chiergattus erwelter  
Bischoff zu Apuz/  
fürst zu Therm Bepß  
sliche Botschafft.

# Den lieben Söhnen Burger-

meystern vnd Rade der Stadt Bamberg.

## Adrianus Papst der sechst.

**L**ieben sone/ heyl vñ Apostolischen seggen zuuoꝛ.  
Wyr kundens nicht lassen/ das wyr vns nicht  
sollten seer verwundern/ dazu auch betruben/ wenn  
wyr ansehen/ das Martinus Luther eyn deutscher/  
(wilchē wyr nicht kunden leucken das er vnser schaff  
sey / wie fast er auch yrrer) ynn solche vn synnickeyt/  
ia teuffliche vermessenheyt gerattenn ist/ das er ver-  
acht/ gemeyn Chustliche lere/ vnd der heyligen vetter  
auffsetze/ dazu verschmecht der ganzen gemeynen  
Kirchen brauch/ vnd widder ynn zweyffel stellet/ alles  
was bissher gewonet ist/ vnd viel newe widderwer-  
tiger lere / vñnd newe ketzerey auffbringet/ odder viel  
mehr die alten ernewert/ vnd sich ... schewet eynen  
andern grund zu legenn/ denn gelegt ist/ vñnd eyn an-  
dern glawben zu leren / denn vnser vetter gehalten  
habenn/ gerade / als were er alleyn mit dem heyligen  
geyst begabt/ vnd er hette die Euangelische warheyt  
nu allererst an der welt ende ersehen/ vñnd vnser vetter  
ter fast sampt der ganzen samlung der glewbigenn/  
soltten so viel hundert iar ym verdamlichem yrthum  
vnd finstern vnwissen gelegē seyn/ die vonn solchem  
Luthers glawben nichts gewust/ vñ fur den widder-  
wertigen/ das ist/ den gemeynen glawbenn/ den wyr  
halten/ auch bis an den todt zu fechten bereyt gewes-  
sen sind. Es ist warlich eyn wunderlich ding/ das  
ynn das menschen hertz/ eyn solch vermessenheyt hat  
mügen steygen / das er sich duncken lest/ er sey klüger  
denn alle lerer der kyrchen vnd heylige vetter/ vnd die  
ganze samlung der glewbigenn.

Wyr nicht des  
hirten.

Dem Papst.

Der Papst schilt  
hie nicht/ es sindt  
eytel zucker wort  
des heyligē geysts

Des Papsts.

Aber das dünckt vns noch viel mehr billich  
zu verwundern/ das der selb Martinus/ nach dem er  
ynn den schlund der hoffart/ durch verhengnis got-  
tis vmb seyner vnnnd vnnsrer sund willen/ gefallen ist/  
nicht eynen alleyn/ odder wenig / sondern ( das myr  
mit grossen hertzenleyd sagen ) vngehliche mēschen  
beyde man vnnnd weybs bildt hatt finden mügen yn  
vnserm landt der Deutschen ( wilchs doch sind der  
zeytt es zu dem herin bekeret ist/ alle zeytt / das aller  
geystlichst gewesen ist/ vnnnd an dem gemeynen glau-  
ben aller hertist gehalten hatt/ dazu ym dienst gottis  
vnd ynn der liebe vnnnd gerechtickeytt gegen dem ne-  
histen / die aller lautterist pflegerynn gewesen ist ) die  
seyne aller nerrischen vnd schedlichsten lere ( die zu  
vor offtmals von der kirchen sampt yhren Meystern  
verdampft sind/ wie man weyß ) nicht alleyne gedül-  
tiglich hören / sondern auch gerne annemen wollen.  
Vñ das noch mehr ist / auch halstarriglich mit wa-  
ffen zuuertdingen bereyt sind/ vnnnd seyne vnnnd der  
seynen schedlichen vnd voller giftt bücher/ die voll  
scheltēs/ scheltē vnnd bößlicher wort/ mit ganz  
vnnnd bitterkeyt allenthalben quellen/ auch noch dem  
sie durch Apostolischs vrteylls krafft vñ Keyserlich  
gepott/offt vnd an viel orttern verbrandt sind/ den  
noch heuffliche keuffen/begirig lesen vnd gerne hören.  
Szo doch auß dem/ das es soliche bücher sind/  
wie wyr izt gesagt haben/ eym iglichen / der nur eyn  
wenig der vernufft vnd geyst gottis gehorcht/ leicht  
zuverstehē ist/ das der selb geyst gottis ( der da süß/  
gütig/sanfft/warheyte vnd frids liebhaber vnd ver-  
süner/ der ergernis aber / gangs vñ zwitrachts ent-  
richter ist / vnd die newerung fleucht ) gar ferne von  
solichen büchern vnd Meystern gewesen ist/ sondern  
viel mehr/ der böße geyst/ der lust hatt ynn diser stu-  
cken widderpiel/ vnd dem Deutschen land vergönet  
den glücklichen laufft ynn dem wege des hern / hatt  
solcher bücher meyster getriebē solchs außzuspēen.

Wilche sie an yhren fruchten erkant haben solten/ vñ  
samt yhrer verkarter lere/ wie den tod/ geflohen vñ  
geschewet.

Denn was suchenn solche leutt/ on nur erger/  
nus? Wo zu raten sie/ denn nur zu widerspenstickeit/  
zwitteracht/ gütterberaubung/ schlachten/ vñ fleysch/  
lichem wesen? vnd das wirß mit eym wort sagen/ zu  
verwerffung des heyligen gehorsams/ der besser ist/  
den alles opffer/ vnd thun dasselb vnter dem schein  
der freyheyt/ so man doch sie findet knechte des ver/  
terbens. Aber es ist nicht/ lieben kinder/ Es ist nicht  
die freyheyt / die der Herz seynenn außersweltenn ym  
Euangelio verheyst/ durch wilche wir seynem gesetz/  
vnd seynen statthaltern auff erden ( wilche er auch  
als sich selbs will gehört habē / weyl sie auff Moses  
stuel sizē/ ob sie gleich böse sind ) vnterthan sind/ das  
wyr der sund loß werde/ Sondern es ist die freyheyt/  
die Lucifer sucht/ da er dem allerhohistē wolt gleych  
seyn/ dem er vnterthan sein sollte/ vnd seynen stuel  
zu mitternacht / von dannen er gestoffen ist ynn der  
hellen grund. Wilchs ende auch on zu zweiffel Mar/  
tino Luther begegē wirt / vnd allen die yhm anhan/  
gen/ wo sie nicht auffzweiffeln sich bessern/ vñ wid/  
der zu komen sich vleyschen zu der kirchen eynickheit/  
von wilcher sie sich verdammlich gescheyden haben/  
ausser wilcher/ als ausser der Arca Noe / niemāt kan  
selig werden.

Denn es ist keynn zweiffel/ das solche vñnd  
yhre gleychen/ die seyn/ von denen der heylige Apostel  
Petrus rede da er verkündigt / das vnter denn gley/  
bigen wurdenn auffkommenn falsche lerer / die ver/  
damliche orden wurdenn neben eynfuren / vñnd den  
Gott verleuckē/ der sie erkauft hatt/ vñnd ober eyn  
sich selb schnell verdammis furē / Vnd setzt hernach/  
das viel yhrem verderbē wurden nachfolgen. Durch  
wilche ( spricht er ) wirt der rechte weg verlestert wer/  
den/ vnd durch geytz mit ertichten wortte werden sie

Das war geytz/  
auff das man die  
bößenn tyrannen  
yha fest sizē lasse.

Wo die mächer/  
ley orden vnd der  
geytz im geistlichē  
stand herkomme/  
frage man eyns

iglichem gewissen  
Der Bapst wills  
nicht wissen.

Des thut des  
Bapsts volck  
gar nichts.

Das merck wol/  
denn hie soll man  
des Bapsts kunst  
vrtaylen.

Aber nicht mit  
gottes finger  
noch zungen.

Süsse süsse süsse  
wort sind dat/  
wilche so der Luz/  
ther redet/ müst er  
auß keynē gutten  
geyst reden.

Darumb sind die  
Papisten so reyn/  
denn sie mit allen  
vleyß sich hütten  
das sie ya nicht  
viel schufft/ son/  
dern eyttell men/  
schen lere furen.

an euch hantieren. Wilcher vrtayl vonn langes her  
sich nicht seumet/ vnd yhr verdammis schlefft nicht.  
Vnnd vber eyn wenig hernach spricht er/ Viel mehr  
aber die ( vernehmet / wyrtt gott straffenn ) die dem  
fleysch nach ynn der vnreynen lust wandeln/ vnd die  
hirschafften verachten/ thurstig/ hoch von sich hal/  
ten/ furchten sich nicht orden eynzufuren / vnd sinde  
lesterer. Solchs alles/ obs nicht dissem eben sey/ lassen  
wyr euch richten.

Darumb yhr allerliebsten/ vermanen wyr euch  
ynn vnserm hern Ihesu Christo / vnnd durch seyne  
herzliche barmherzikeyt bitten vnd flehē wyr euch  
die wyr euch ynn vnfers hertzen grundt haben/ das  
yhr euch ynn ihener yrthum/ die euch die Bepstliche  
vorsichtikeyt/ als mit finger zeyget hatt/ nicht furen  
last/ sondern viel mehr/ als die außeweltenn kinder  
vnd das erworben volck/ yn den fustapffen ewer vet/  
ter vnnd aller heyligen/ wilche yhe die rechte landt/  
strasse der 2. angelischen warheyt gegangen sind/  
anhanget/ vnnd henet schedlichste/ trewlose/ lester/  
liche/ teuffel/ he/ vnd das wyts auff eyn mal sagen/  
die lere die zum todt füret/ sampt yhren meystern/ wie  
die helle schewet/ vnnd yhr vergiffteige bücher niche  
alleyn vngelesen/ sondern auch nicht zcu horen die sie  
lesen odder leren/ last/ vnd auch nicht grüffet die Luz/  
therischen/ die nit wollen widder zu recht komen.

Es soll euch aber nicht bewegen/ das die Luz/  
therischen der heyligen schufft wort vnter yhre lere  
Papisten so reyn/ mengē. Denn weyl yhr wisset/ das sich des alle kezer  
denn sie mit allen allezeyt geflissen haben/ vnd nie keyner eyn newe lere  
vleyß sich hütten hat eyngefuret/ die er nicht mit sprüchen der heyligen  
schufft zu bestettigen sich vnter wunden habe. Den  
das sie ya nicht schufft zu bestettigen sich vnter wunden habe. Den  
viel schufft/ son/ gleych wie die/ so der gifft bitterkeyt wollen lindern/  
dern eyttell men/ decken die selbe mit honnig odder sonst mit eym gut/  
schen lere furen. ten geschmack. Also schmieren auch disse yhre eygen  
gifft mit der suffickeyt hymlicher wort/ vnd gebens



zu trincken den schlechten eynfeltigē seelen / auff das  
sie dieselben also deste leychter vergifftern mügen.  
Wie wol wir kaumet glauben / das yemant so alber  
sey / so er das liecht götlichs angesichts ansehē will /  
das auff alle mēschen gerzeyhent ist / nicht also bald  
verstehen müge / das solche leutt yrrige vnd lügen le/  
rer sind vnd nicht der warheyt / vnd newrung an/  
sahen / nicht das sie der seelen heyl suchen / syntemal  
sie yhr eygen offentlich verdamnen / sondern das sie  
nur jagen / was man gern höret / vnd weg thun / das  
den fleyschlichen vnd synlichen mēschen zu schwer  
deucht ynn dem engen wege des hern / vnd yhre tödt/  
liche lere den selben fleyschlichen menschen ( welcher  
allezeyt die größte zall ist ) deste angeneher vnd  
glaublicher machen / vnd sie mit yhn ynn die schuld  
ewiger verdammnis verwickeln / die yhn vnd andern  
vnglaubigen kyndern bereyttet ist.

Wie feyn der  
Papist die schuffe  
auff leget / der das  
gotlich liecht na/  
türlich vernunfft  
heyst.

*Papst d. h. d. h.*

Aber es wirt sonder zweyfel disen lerern be/  
gegen / das yhren vorsehen der selbē oder ander ketz/  
reyen meystern begegnet ist / wie man weiß / so offte  
sie yhren hoffertigen verstand vermessen / als erheben  
widder die erkentnis gottis. Welche eyn zeytelang  
durch gottis verhängen / vmb der leute sundt willen /  
glücklich vnd gleych wie die Cedern Libani erhohet /  
anzusehen waren. Aber zu letzt hatt alzeyt warheyt  
die lügen vberwunden / vnd die weyßheyt / die alle ding  
gützig beschickt / hatt die bößheyt schawgetragen.

Aber weyl wir sehen / wie grossen schaden sol/  
cher vergiffteiger bücher / drucken / verkeuffen vnd les/  
sen / dem rechten glauben vnd gottis dienst ynn die  
lengē vñ breytte gethan habe / so vermanē wir euch  
ynn dem heren / welchen diser berumpten stadt ober/  
kayt befolhen ist / vnd ynn krafft des heyligen gehors  
sams / vnd bey drawen des götlichen gerichtis / fods  
derinn wir / das yhr gedencet an ewer gewonnte gots

furchtickeyt gegen gott vñ seynem glawben/ vnd an  
ewr furtreffliche fursichtickeit/ das yhr ynn alle weß  
ge verschafft/ das bey euch oder yn ewer stadt gepiet/  
solche gedruckte bücher hinfurt nicht verkaufft/ oder  
die noch nicht gedruckt sind/ hinfurt nicht gedruckt  
werden/ Sondern wie viel yhr der selben ynn benā/  
ter ewr stadt findet/ verbrennen lasset/ nach dem vi/  
teyl Bepstliches stuels vnd Keyserlichem gepott.

Ein schön arti/  
kel Bepstlichs  
glawbens.

Sihe/ sihe/ sollen  
auch die Chusti/  
chsten verdampt  
seyn.

Wo yhr aber nachlessig seyn wurdet zu bes/  
sern ewr verkereten buchdrucker/ wilche/ als zu gleu/  
ben ist/ mit gellot durch die Lutherischenn veruckt  
sind (ists annders war / das wyr gehört habenn)  
auffwilligst der Lutherischen bücher drucken/ vnd  
mit nichte drucken wollenn die bücher/ die vonn den  
rechten Chusten widder sie/ fur die warheyt geschrie/  
ben werden/ Szo verkundigen wyr euch/ das yhr der  
göttlichen vnd schrecklichen rache/ nicht entghehen  
werdet/ ob yhr auch die aller Chustlichsten seyt. Den  
yhr dürfft nicht meynenn / das yhr got damit gnug  
thut/ das yhr fur euch selb/ seynen glawben ganz vñ  
vnuerruckt/ er/ r o y l : nicht auch/ so viel yr ver/  
mügt/ die ys thut/ das alles von euch auffß eylendist  
weg gethan werde/ das ewre brüdere ergern vnd ynn  
solchen yrthum zu furen geschickt ist/ Den wer nicht  
mit dem Herrn ist / der wirt biweyßet/ das er widder  
yhn sey. Vnd wer solchs vbel nicht aufstreybet/ so  
er kann / der wirt geacht fur gott/ als hab erß zuge/  
richt vnd eyngetrieben. Es ist izt zeyt/ das sich  
offenbaren die/ so vnter euch erwelet vnd bewerdt  
sind. Da eyn iglicher vnter euch/ so er frum ist/ auch  
von yhm selbs sich soll eyn maur setzen fur das hauß  
des Herrn/ das er die kron der ehren/ welche verheysß  
sen wirt/ denen/ die sich redlich hallten/ von dem sel/  
ben herin zcu erlangen wirdig sey. Geben zcu Rom  
bey S. Peter vnter dem fischering am letzten tag  
Nouembis M. D. XXXij. vnßers Bapsts  
tumbs ersten Jar.

T. Hezelus.

# Martinus Luther.

gehört zu 4

**A**llen Christlichen lesern gnad vnnnd frid ynn  
Christo/ vnd keynen Bepstlichen seggen zuuor.  
Das hatt noch nye keyn Bapst gethann / das dieser  
Bapst thut/ der das vireyll auß der handt gibe/ denn  
zu Bamberg das sie richten sollen / ob sanct Peters  
spruch von yhm recht eyngesurt vnnnd außgelegt sey.  
Vnnnd ich bitte auch vnterthenlich/ nicht alleyne die  
Christen zu Bamberg/ sondern allenthalbē/ wolten  
solch begeben vireyll annehmen/ vnnnd zwischen myr  
vnd dem Bapst richten/ ob Luther oder der Bapst/  
secten/ stende vnnnd new orden eyngesetzt habe/ außser  
des gemeynen Christlichen glawbens stand. Item  
ob der Luther oder Bapst etwas mehr denn alleyn  
gottis wortt lere/ so wirt man finden / wer die lügen  
meyster/ hie von S. Peter genent sind/ vnnnd wie feyn  
der Bapst Adrian zu Louon gelernt hatt/ die schuffe  
auslegen. Item ob der Luther oder die Papisten/  
durch geytz mit falschenn wortten an den Christen  
hantieren vñ eyn frey vnkeusch/ vnuerschempt leben  
füren/ vnnnd den hirschaften nicht vnterthan seyn  
wollen. Item ob der Luther odder Bapst/ Kö-  
nige vnd Fursten veracht/ verbanit/ vnnnd yns drittel/  
vierde/ newnde geschlecht verflucht/ vnd so fort an/  
alles was sanct Peter ynn eyngesurtem spruch sagt.  
Aber gott sey lob vnd danck / Des Bapsts vnd der  
Papisten narheyt vnd vnuerstand / will gantz ersüe  
an den tag kómen/ das sie zu spott vnd zu schanden  
werden/ vnd sich selb für yderman verachtlich ma-  
chen. Damit Daniel erfüllet werde/ da er vom End-  
christ spricht. Er soll on handt zústöret werden.  
Daniel. 8. vnd Paulus. 2. Timoth. 3. Aber sie sol-  
lens nicht außfüren/ sondern yhz vnweyßheyt wyre  
yderman offinbar werden. Wie Jannes vnd Jambres  
geschach.

B

Ists nicht sund vnd schande? Das der Papst/  
der vber alle Christen Meyster seyn will / nicht mehr  
zu sagen weyß / denn also / Der Luther will alleyne  
Klug seyn / solten wir mit so viel vnßern vofaren ge-  
yret haben? weybisch / kindisch / Münchisch / vnd  
Sophistisch Klage sind das. Eyn Papst solt schuffe  
furen / vnd dapper daher also sagen. Siehe da / hie  
stehet gottes wort / also vnd also hatt Luther wid-  
der gottis wort geredt. Tu aber schweygt er des gar  
seyn / vnd spricht / also vnd also hatt der Luther wid-  
der langen brauch / widder gewonheyt / widder die  
lerer geredt / gerade / als stund vnser glawb auff lan-  
gen brauch vnd gewonheyt / vnd lerer wort.

Ist gewonheyt vnd langer brauch alleyne  
gnug / warumb gleben wir nicht mit den Juden /  
Türcken vnd Heyden? Warumb hallten wirs nicht  
mit dem teuffel / der ymer gewonet hatt böße zu seyn?  
Ist aber gewonheyt alleyne nicht gnug / warumb  
zeygt er nicht an / den rechten grund diser gewonheyt?  
odder warumb sollten wir nicht fragen noch an-  
kunfft solcher gewonheyt / ob sie recht odder nicht  
recht sey? Vnser gott heysst yhe nicht / gewonheyt /  
sondern / warheyt / vnd vnser glawbe / glegt auch  
nicht auff gewonheyt / sondern an die warheyt / die  
gott selbs ist.

Er rumbt auch / das alle zeyt die warheyt  
bissher der lügen obgelegen ist. War ist / das war-  
heyt endlich obligt / aber gar oft vnterdrückt wurt /  
Denn sie muß zu weylen / gleych wie Christus / ster-  
ben / aber doch widder auffstehē / also ist vnter dem  
Papstum / die Christliche warheyt vnterdrückt ge-  
wesen. Wie Daniel am. 8. verkündigt hatt / das zu  
des Endchrissts zeytten die warheyt solle öffentlich  
nydder geschlagen werden / aber des vnderdrückens  
ist nu eyn ende / Die warheyt hatt lange gnug vnter  
der lügen gelegen vnd mit Christo begraben gewesen.

Nu muß sie eyn mal widder erfür / vnd die Bepflü-  
che lügen widder vnterducken / auff das alhie der  
Bapst gleych wie Caiphas widder sich selb weyß-  
sage / das die warheytt zu diser zeyt / die lügen solle  
schaw tragen. Ich meyne auch / sie hats redlich  
angefangen zu thun / Mich dunckt yhe / das Bapst-  
thum mit seynen schuppen / sey der welt zum schaw-  
spiegel worden mit fleynen ehren / das yhre büberey /  
heymlich vnd offentlich bissher getrieben / auch die  
kinder vnd lotterbuben singen / gleych wie es denn  
Abgötten gieng zu der Apostel vnd Merterer zeyt /  
ten / das yhn vergolten werde yhe hohmut / die zuuoer  
auch den hohisten Königen vnd Fursten schrecklich  
(wilche auch auffs hohist von yhn veracht) sind ge-  
wesen. Nu aber auch den verachtisten vnd gering-  
sten menschen veracht vnd eyn spott sind / auff das  
der spruch Isaie .33. erfüllet werde / We dir du rew-  
ber / du wirst widder berawbt werden / vnd du ver-  
achter / du wirst widder veracht werden / wenn du nu  
ausgerawbt hast / wirstu berawbt werden / vnd wenn  
du auß veracht hast / solltu veracht werden. Vnd  
wie Christus sagt Matt. 7. Mit welchem maß yhe  
misset / wirt man euch widder messen. Vnd myr  
ist leyd / das ich solchem Breue so gutt deutsch hab  
müssen geben / Denn solch elendt barmhertzig kuchen  
latin / wol werdt were eyns geringen deutschs. Aber  
gott wundert an dem Endchrist / das er yhm so gar  
keynn glück mehr lessit / das er auch hynfurt widder  
sprach noch kunst mehr kan / vnd aller dinge zu kindt  
vnd narren worden ist. Es ist schäde / das man solch  
latin auch zu den deutschen schreybt / vnd solch töl-  
pisch außlegen der schrifft / vernunfftigē leutten thar-  
furgeben. Es ist alles recht vnd feyn Papistisch  
vnd Münchisch vnd Louonisch.

M. D. XX iij.

Faint, illegible text, likely bleed-through from the reverse side of the page. The text is arranged in approximately 25 horizontal lines.



AB: 153621


ULB Halle 3  
003 897 931



Sb,

Reino ✓






15







Eyn Hefftlich Breue  
dem radt zu Ham-  
berg gesandt widder  
den Luther.

Wt thohet wirt yberman offinbar  
werden. z. Timothy. 3.

